

MD 30

Metodološki dokument

ISSN 1840 - 1074

Statistika poljoprivrede
MJESEČNI IZVJEŠTAJ O
AKTIVNOSTI INKUBATORSKIH
STANICA



Bosna i Hercegovina

**Agencija za statistiku
Bosne i Hercegovine**

**Federalni zavod za statistiku
Federacije Bosne i Hercegovine**

**Republički zavod za statistiku
Republike Srpske**

Sarajevo, juni 2014.

Izdaje: Agencija za statistiku Bosne i Hercegovine,
Zelenih beretki 26, 71000 Sarajevo
Bosna i Hercegovina
Telefon: +387 33 22 06 26; **Telefaks:**+387 33 22 06 22
Elektronska pošta: bhas@bhas.ba; **Internet stranica:** www.bhas.ba

Odgovara: Zdenko Milinović, direktor

**Metodologiju
pripremili:** Radna grupa za statistiku poljoprivrede
Fuad Bahtanović, Fahrudin Subotić - Agencija za statistiku BiH
Fehrija Mehić, Damir Omanović - Federalni zavod za statistiku
Lazo Šegrt, Danijela Savanović - Republički zavod za statistiku RS

Lektura: Janja Jaković

Dizajn: Lejla Rakić-Bekić

Molimo korisnike Publikacije da prilikom upotrebe podataka obavezno navedu izvor

SADRŽAJ

PRAVNI OSNOV.....	5
METODOLOŠKE OSNOVE.....	5
<i>Cilj i sadržaj istraživanja</i>	5
<i>Jedinice posmatranja</i>	5
<i>Obuhvat istraživanja</i>	5
<i>Metode i vrijeme prikupljanja podataka</i>	5
Obaveza zaštite individualnih podataka.....	6
DEFINICIJE I OBJAŠNJENJA.....	6
<i>Osnovni pojmovi</i>	6
<i>Nivo reprezentativnosti podataka</i>	6
ORGANIZACIJA ISTRAŽIVANJA	7
<i>Organi za provođenje istraživanja</i>	7
<i>Obrada i publikovanje podataka</i>	7
<i>Obrasci</i>	7

MJESEČNI IZVJEŠTAJ O AKTIVNOSTI INKUBATORSKIH STANICA

PRAVNI OSNOV

Istraživanje se provodi od strane entitetskih statističkih zavoda: Federalni zavod za statistiku i Zavod za statistiku Republike Srpske na osnovu Zakona o statistici u Federaciji BiH („Službene novine F BiH, broj 63/03 i 9/09) i Zakona o statistici RS („Službeni glasnik RS“, broj 85/03). Kompilacija, agregiranje i međunarodno izvještavanje za nivo BiH je u nadležnosti Agencije za statistiku BiH u skladu sa Zakonom o statistici Bosne i Hercegovine („Službeni glasnik BiH“, broj 26/04 i 42/04).

METODOLOŠKE OSNOVE

Cilj i sadržaj istraživanja

Na osnovu Regulative No. 617/2008 EC, Agencija za statistiku Bosne i Hercegovine u saradnji s Federalnim zavodom za statistiku Federacije BiH i Republičkim zavodom za statistiku Republike Srpske treba obezbijediti kompletne i pouzdane informacije o broju jaja za leženje smještenih u inkubator i broju izleženih jednodnevnih pilića u cilju usklađivanja oblasti statistike stočarstva i stočne proizvodnje s evropskim standardima i preporukama EU.

Jedinice posmatranja

Jedinice posmatranja za prikupljanje podataka su inkubatorske stanice (poslovni subjekti i preduzetnici) registrovane na teritoriji BiH.

Obuhvat istraživanja

Istraživanjem su obuhvaćene sve inkubatorske stanice (poslovni subjekti i preduzetnici) koje se bave proizvodnjom jednodnevnih pilića na području Bosne i Hercegovine.

Metode i vrijeme prikupljanja podataka

Mjesečni podaci se prikupljaju provođenjem statističke aktivnosti „Mjesečni izvještaj o aktivnosti inkubatorskih stanica“.

Periodika istraživanja je mjesečna. Podaci Federalnog zavoda za statistiku Federacije BiH i Republičkog zavoda za statistiku Republike Srpske se dostavljaju Agenciji za statistiku Bosne i Hercegovine, do 25 u mjesecu za prethodni mjesec.

Obaveza zaštite individualnih podataka

Podaci koji se daju u ovom istraživanju koriste se isključivo u statističke svrhe i neće se objavljivati kao pojedinačni. Zaštita individualnih podataka je regulisana Zakonom o statistici Bosne i Hercegovine ("Službeni glasnik BiH", broj 26/04 i 42/04), Zakonom o statistici u Federaciji BiH („Službene novine F BiH, broj 63/03 i 9/09), Zakonom o statistici Republike Srpske („Službeni glasnik RS“, broj 85/03) i Zakonom o zaštiti ličnih podataka („Službeni glasnik BiH“, broj: 49/06).

DEFINICIJE I OBJAŠNJENJA

Osnovni pojmovi

Jaja za leženje: jaja namjenjena za proizvodnju pilića, klasirana po vrstama, kategorijama i tipovima, identifikovana u skladu s Regulativom No. 617/2008 EC, proizvedena u BiH, uvezena iz EU ili uvezena iz treće zemlje.

Pilići: predstavljaju živu perad čija težina ne prelazi 185 grama, proizvedeni u BiH, uvezeni iz EU ili uvezeni iz trećih zemalja i koji spadaju u jednu od slijedećih kategorija:

- a) **roditelji roditeljskih pilića (dedovski pilići):** pilići predviđeni za proizvodnju roditeljskih pilića;
- b) **roditeljski pilići:** pilići predviđeni za proizvodnju komercijalnih pilića;
- c) **komercijalni pilići (komercijalni križanci):** pilići koji spadaju u jedan od slijedećih tipova:
 - I. **za tov:** pilići predviđeni da budu tovljeni i zaklani prije nego dostignu spolnu zrelost;
 - II. **za nesilice:** pilići predviđeni za proizvodnju konzumnih jaja;
 - III. **kombinovani:** pilići predviđeni za tov ili proizvodnju konzumnih jaja.

Izvještajna jedinica predstavlja svaki od slijedećih sektora djelatnosti:

- a) sektor za uzgoj pedigrea je sektor namjenjen proizvodnji roditelja roditeljskih pilića, roditeljskih pilića i komercijalnih pilića;
- b) sektor za uzgoj je sektor namijenjen proizvodnji komercijalnih pilića;
- c) inkubatorska stanica je sektor za inkubiranje, leženje i snabdijevanje izleženih pilića.

Nivo reprezentativnosti podataka

Podaci su reprezentativni za nivo Bosne i Hercegovine, Federacije BiH, Republike Srpske i Brčko distrikta BiH.

ORGANIZACIJA ISTRAŽIVANJA

Organi za provođenje istraživanja

U pripremama i provođenju istraživanja iz područja proizvodnje jaja za leženje i proizvodnje jednostavnih pilića učestvuju: Agencija za statistiku Bosne i Hercegovine, Federalni zavod za statistiku Federacije BiH i Republički zavod za statistiku Republike Srpske. Agencija za statistiku Bosne i Hercegovine, u saradnji s entitetskim zavodima za statistiku, utvrđuje metodološke osnove, dizajnira obrasce i uputstva za njihovo popunjavanje, vodi računa o efikasnom provođenju istraživanja, kontroliše i obrađuje podatke i priprema rezultate istraživanja za nivo Bosne i Hercegovine. Prikupljanje podataka, kontrola, obrada i publikovanje podataka za nivo entiteta je u nadležnosti entitetskih zavoda za statistiku.

Obrada i publikovanje podataka

Poslije kontrole obuhvata izvještajnih jedinica, kontrole tačnosti i potpunosti podataka, šifriranja podataka, prenošenja na elektronske medije, provođenja rutinske i logičke kontrole, podaci se obrađuju za nivo entiteta i proslijeđuju Agenciji za statistiku Bosne i Hercegovine. Rezultati obrade podataka mjesečne proizvodnje jaja za leženje i proizvodnje jednostavnih pilića u inkubatorskim stanicama objavljuvat će se u redovnim publikacijama.

Obrasci

Pri provođenju mjesečnog istraživanja o proizvodnji jaja za leženje i proizvodnji jednostavnih pilića koristi se obrazac Federalnog zavoda za statistiku Federacije BiH i Republičkog zavoda za statistiku Republike Srpske: „Mjesečni izvještaj o aktivnosti inkubatorskih stanica“.